

BlueScope i komit blong respektem mo holemstrong ol hiuman raet long ol bisnis praktis mo saplae jen. Mifala i bilif se evriwan oli mas tritim gud mo respektem olgeta, mo mifala i stap wok blong mekem sua se ol bisnis aktiviti mo praktis i stap laenap wetem Yunaeted Nesen Gaeding Prinsipol long Bisnis mo Hiuman Raet.

Stamba Tingting blong Mifala mo Rilesensip blong Mifala i stap gaedem mifala, tugeta ol dokumen ya oli talemaot ol valiu, prinsipol, mo visen blong givim paoa long ol komuniti blong mifala long fiuja. Oli gaedem ol aksen mo desisen blong mifala, mo i presem Kod blong Kondak blong mifala, Hao Mifala i Wok, we i sapotem mifala blong jus blong mekem wanem we i stret. Ol komitmen ya oli gaedem mo infomem aproj blong mifala long hiuman raet:



Pipol Blong Mifala

- Mifala i respektem mo sapotem gud tritmen, gudfasin mo ol hiuman raet blong ol wokman blong mifala mo bilif se evriwan i mas kasem fea tritmen mo nogat diskriminesen. Mifala i kamap long wan kalja blong tras mo daerek enkejmen, we i enkarejem evri BlueScope wokman blong oli toktok stret wetem manejen long saed blong kondisen blong wok. Mifala i respektem ol raet blong ol wokman blong faenem fridom blong asosiesen mo volontri proses we ol employa mo ol wokman i tokbaot ol kondisen blong wok we i go wetem ol lokol loa.
- Evri wokman i mas save hemia mo folem Kod blong Kodak blong mifala, Hao Mifala i Wok.

Wokples Blong Mifala

- Mifala i bilif se wan kalja blong inkusen hemi impoten blong wan gudfala wokples, mo mifala i luksave mo valiuem defren skil, eksperiens, lukluk, mo bakgraon we ol pipol blong mifala i karem i kam long Kampani.
- Mifala i gat wan komitmen blong provaedem ol wok kondisen we i sef mo helti blong ol pipol blong mifala mo ol patna we oli jus blong wok wetem mifala.
- Mifala i pem minimam wej o wan we i hae smol, provaedem evri ligol kontrak mo givim ol riwod blong ovataem long wan gudfala pei. Mifala i pem ful pei mo i kamaot tru long mani.
- Mifala i komit blong bildimap lidasip awenes mo paoa blong luksave ol isu blong hiuman raet.

Oi Komuniti Blong Mifala

- Mifala i bilif se evri komuniti i gat raet long wan sef mo helti envaromen, mo mifala i komit blong respektem raet ya.
- Mifala i lukaot ol stret fidbak long ol komuniti grup blong mekem sua se ol rilesensip blong mifala i stap strong mo oli harem voes blong olgeta, mo enkej wetem ol stekholda olsem we oli nidim.
- Mifala i luksave impotens blong tradisen blong ol defren kalja long ol komuniti blong mifala, mo ol raet blong ol netif pipol.

Patna Blong Mifala

- Mifala i wantem enkejem ol patna we oli holem ol valiu i stap long Rilesensip blong Mifala mo long Hiuman Raet Polisi ya. Patna blong mifala, hemi ol saplaea, kastoma, kontrakta mo sab-kontrakta, mo ol komuniti stekholda. Mifala i sapotem fasin blong karemaot eni kaen blong fos leba mo endem ol rabis kaen blong jael leba mo askem ol patna blong mifala blong mekem sem samting.
- Mifala i komit blong mekem sua se ol sekiuriti provaeda ol respektem ol hiuman raet mo pablik fridom.
- Mifala i lukluk speseli long wok blong ol saplaea blong mifala olsem wan impoten pat blong valiu jen blong BlueScope mo askem olgeta blong mitim ol hae standet blong loa, etik, envaeronmentol mo employimen.

Lukluk Blong Mifala

Diu Dilijens

Tru long diu dilijens mo wan stret wei mo gavnets proses mifala i wantem blong faenem, jajem, stretem, mo trakem ol nogud ifek blong ol hiuman raet we samtaem mifala i tekpat long hem tu.

Gavnens

Bod i lukluk long evri isu blong hiuman raet blong mekem sua se ol samting we mifala i bilif strong long hem olsem we i stap long ol valiu blong Rilesensip blong Mifala oli bin folem nomata long weaples mifala i stap long hem.

Fidbak mo Kompln

Long BlueScope mifala i komit blong promotem wan kalja blong toktok taem wan samting i no stret mo protektem olgeta we oli toktok. Blong moa infomesen plis luk [Tuktok \(Speak Up\) Polisi](#). Sapos yu luk samting we i no stret wetem Rilesensip blong Mifala, Kod blong Kodak blong mifala, Hao Mifala i Wok, o Polisi ya yu mas toktok. Sapos yu wantem toktok, resemap wan konsen o kompln o kasem moa advaes yu sud toktok wetem maneja blong yu o lokol Pipol o Etiks & Komplans representatif, sendem wan imel i go long ethics@bluescope.com o kondaktem sikret hotlaen blong BlueScope www.bluescopespeakup.deloitte.com.au o tru long imel bluescopespeakup@deloitte.com.au